


Pelajar Teruja Pandu Go-kart

UniMAP

Pengalaman memandu go-kart di litar yang menjanjikan cabaran buat kali pertama merupakan sesuatu yang sukar dilupakan bagi 15 peserta "Klinik Gokart" Universiti Malaysia Perlis (UniMAP), semalam. Klinik yang berlangsung dari jam 8 pagi hingga 5 petang itu merupakan inisiatif Unit Penyelidikan Teknologi Sukan Permotoran (MoTECH) UniMAP, khusus untuk mengisi masa lapang pelajar-pelajar pada cuti penggal persekolahan. Selain itu, klinik tersebut juga dianjurkan bertujuan untuk mendedahkan pelajar dengan teknik dan langkah-langkah keselamatan yang perlu diambil oleh setiap pemandu go-kart. Nur Syafiqah Syahirah Mohd Johari, 9, menyifatkan peluang mengikuti klinik go-kart pada sesi cuti persekolahan kali ini amat mencabar dan memberikan pengalaman baru selain dapat



mengisi masa dengan aktiviti yang bermanfaat. Beliau yang juga pelajar tahun tiga Sekolah Kebangsaan Tengku Budriah, Arau berhasrat untuk menyertai klinik tersebut pada masa akan datang sekiranya diberikan peluang lagi. Farhan Iskandar Jiwa Noris, 9, yang juga dari SK

Tengku Budriah menganggap penglibatan sehari dalam aktiviti go-kart mendedahkan beliau kepada cabaran dan teknologi go-kart yang dibangunkan oleh UniMAP. Sementara itu, bapa kepada Farhan Iskandar, Jiwa Noris Hamid, 36, berharap agar pihak MoTECH dapat menganjurkan klinik yang

membolehkan ibu bapa bersama-sama turut serta sepanjang klinik itu diadakan. Pengarah MoTECH, UniMAP, Dr. Shariman Abu Bakar berkata, pihaknya sentiasa berusaha untuk memupuk minat generasi muda untuk bergiat aktif dalam sukan permotoran.